



定海縣志卷六

南京兵部尚書張時徹纂修定海縣知縣何愈言正



經制志

司馬氏曰余聞之太史公人道經緯萬端規矩無所不貫謬進以仁義束縛以刑罰故德厚者位尊祿重者榮寵所以總一海宇而整齊萬民也乃其莫麗經綸則周官章章已

明興一倣其制即職掌各有司存固大宰掌邦治也列官制第一由是邦教以興列

邦禮邦政邦刑咸次第舉焉列公署列兵衛列城
隍列郵舍列都鄙列秩祀云夫是之謂經制夫經
也者鏡也定也物所由以鏡所由以定也制也者
治也納民於軌物而治之也非經不定非制不治
師斯志也以達於政其庶幾矣乎

官制

司馬氏曰初者官不必備惟其人亦曰倍克用人
故或稽古建官或因時置輔要之救民其域焉耳
寧下邑也令丞簿尉有常員矣然以

令則有臥碑教條則有憲勅凡督學臺使始視事
聽其申飭而後事於諸生監若部則弊其選舉入
額之多寡寡而殿最之 司吏一人

陰陽學訓術一人掌凡晝夜漏刻之事境有災祥
則以申於縣而近上之

醫學訓科一人掌凡疾病治療之事獄囚病則察
視之而白其輕重真偽

僧會司僧會一人

道會司道會一人各領其徒而施其教其徒有犯

縣下所司察治之凡祈禱禳禱則率徒以從事
廣安倉大使副使各一人掌凡歲輸糧米凡官吏
俸廩軍人孤老月糧皆取給焉出納則謹籍其數
別設預備倉儲贖穀以備荒政 攢典一人
常盈一倉三倉四倉五倉各大使一人其職視廣
安倉 各攢典一人
管界長山穿山霞嶼太平五巡檢司各巡檢一人
掌徼巡境內譏察非常凡有奸盜則擒捕之以上
于府縣而治之歲以捕盜之多寡報于上司而考

其殿最 各司吏一人

清泉場鹽課司大使一人副使一人掌凡督辦鹽
課之事各攢典一人

長山穿山龍頭三場鹽課司各大使一人其職視
清泉場 各攢典一人

學校

司馬氏曰百工必有常肆士必有居業所以定心
志而作儀刑也章志貞教興賢斂才胥此其繇矣
故教隆則治從而隆教汙則治從而汙舍教以為

治猶之釋兵而闔絕綆而汲庸濟乎乃定之學起於宋雍熙二年而詩書禮樂之訓寔自端憲先生始風聲所振如應儼氏兄弟如孫枝氏父子如國朝張學士信雲蒸豹變有足多者於乎為有司而不法文翁為師儒而不法胡瑗豈所以論於化理之樞乎

定海學在縣東北隅

中為先師廟凡五間前為露臺東西列廡各六間前為廟門五間門之左右舊為名宦鄉賢祠今徙

下一丈為泮池跨以石橋三南為黌

門又南為龍門坊廟後為明倫堂凡五間東西列

兩齋

東曰成德西曰達材

各三間堂之後為敬一亭凡三間

亭之左右為號舍各十間右號舍稍前為射圃亭

凡三間左號舍東又前為倉庫凡三間庫南為啓

聖祠凡三間祠之東為教諭宅凡三間前為訓導

宅二所各三間又前為學門旁為土神祠凡三間

門之外有文筆峯左右為興賢育材二坊

學故在縣東宋雍熙二年主簿李齊始建聖殿於

其地至道初令馮璉增修崇寧中詔天下立舍法
因增廣學宮建炎四年燬于金兵紹興間令章汝
冀改建于縣東北慶元初令韓永德復建大成殿
歷三令始完明倫堂又圮嘉泰初令商逸御鼎新
之邑人胡大任黃君中亦益地拓學嘉定間令崔
崇學創立四齋及兩廡廩庫壘石為泮橋設重門
於橋之外八年攝守程覃捐緡錢衛以儀門堂後
立直舍闢小學三齋紹定四年令陳績淳祐庚戌
令范世昌相繼易民廬以拓舊址胡剛中為之記

咸淳間令鄭從龍元延祐五年令李壽至正中令

汪以敵復相繼修葺崇杏壇於泮池西置光霽亭

於泮池東又於杏壇西建文昌祠吳志劉仁本為

之記志記畧曰定之為邑帶江濱海土斥田薄家

莫不趨學敬齋曹先生端憲沈先生詩書禮義之

訓實倡之流風餘韻至於今未泯也學在縣東北

半里宋紹興間令章汝翼改建焉嘉定間令商逸

卿又新之撥官產以裨學覈舊租以養士則令趙

秘夫之功也自時厥後修弊補廢皆賢令相繼輸
力門宇觀深規模宏遠甲諸校久矣混一以來屢
圮屢作未暇暇延祐丙辰令尹李慈始至伏謁
免抑四顧禮殿頽頽廊廡燒腐杏壇未築祭器未
備慨然興嘆乃竭力而營之塗塗望丹雘燦然一新
升隆勸酬舉無闕典而士不告病民不知後夫學

三代共之皆所以明人倫而必為之宮以祀先聖
先師者示民不忘本也魏乎且瞻陋則弗稱知所
先務令尹有焉士游其間得以學同孔之學則必
無忘令尹作新之功知令尹作新之功則必無忘
曹沈二先生表倡之力知二先生表倡之力則亦
無忘周孔之學而已志承乏教事知令尹之功者
莫如志令尹真定人蒞官國朝洪武初詔郡縣開
嚴明宜於學校而加意焉

學令杜彬更修永樂十四年圮明年令張潼漸加
經營正統間令戴鐘建大成殿修明倫堂天順間
令賀懋徙學門于櫺星門東成化初縣丞王愉建
膳堂于明倫堂東六年副使朱紳都指運張勇重
創殿堂東西兩廡劉紆為之記弘治初提學副使

鄭紀于學左闢地為射圃七年巡海副使文貴命
知縣李廷儀建饌堂增修號舍及東西坊門歲久
傾圮巡海副使李昆總督都指揮秦玉重修嘉靖
二年令鄭餘慶復修大學士謝遷為之記曰
正德庚辰

都御史高密李公昆左遷浙江按察副使領巡視
海道之命駐節定海首請學謁廟日擊地救慨然
以修復為已任適避吏獲海艘非武者若干足克
其費遂定議于巡視都御史許公庭光巡按御史
唐公鳳儀僉曰宜迺以厥成責之知縣鄭君餘慶
始事於是歲之夏六月訖工於辛巳之冬十二月
像設殿嚴整規制宏遠自殿廡祠宇以及齋堂
廡廡之類罔不改觀甃石凡若干楹財不告置民
尺闢地凡若干丈增屋凡若干楹財不告置民
其勞是雖鄭君經營之功大都出李指授也者之

縣志定海有學自宋雍熙始中間興墜屢矣至我
朝我朝開憲副林公紳嘗一新之迄今五十餘年
而修舉盛美廼於更化之會見焉不亦有數存乎
問耶鄭君重念李公之績不可泯乃托吾姚鄉進
士毛君復懇以記請遷何敢以難為言辭我惟定
海為萬木之會東望滄溟浩渺無際潮汐之往來
日月之吐吞魚龍之出沒一舉睫而具見實大觀
之區也昔我夫子亟稱於水豈徒取其周流無滯
而已哉蓋道之所寓觸目會心自不容已川上之
嘆可想見也茲宮牆載新聖靈斯安亟稱而敷之
意宜必有無間於存亡者乎然則遊聖人之門者
當何如必探無窮之道體事有本之學術充朝宗
之念以迴瀾之力庶幾其無愧乎斯固鄭侯作新
之意也是役也縣丞胡良主簿吳恭典史趙大和
教諭李儒訓導劉綬李泰生員沃汝嘉靖十六年
信薛俊周南皆與有勞者因得附書

餘間三十三年今宋繼祖重修前移儀門十步學
南新建龍門牌坊給事中王交為之記曰夫子之

地惟一人歷萬世如一日今有郡縣即有廟祀而
登民俊以為學其中凡長民者之所以治所以教
罔敢勿端端焉務先乎此至其士氣之低昂通窒
則咸於其規建之制監之匪特報之宜崇蓋道固
不可隘爾也定邑夫子廟肇基紹興其北巨桴山
之址南鑑古濠之源阻山帶江海門日浸之杜無
能改於其舊自正德辛巳視海憲副李公昆既修
之後且復三十餘年矣蜀漢宋公繼祖蒞治來教
意學政校文旅射諸士子向進者彬彬可觀顧覽
楹宇獨勿稱崇祀之義設屏門外尤若蔽翳然遂
更營而式廓之乙卯季夏告竣事則宮牆內外無
不煥新且傍南徙戟門若干武增朝道若干丈廣
若干人而兩廡諸賢之有墀名宦鄉賢祠之內附
皆出剏始已乃撤其屏洞然為門騰蛟起鳳之

夾侍左右于是泮池之南而櫺星又南而街以
于河聖靈嚮明之瞻誠今日面勢之宏偉也吉日
戊子將升士之後者于鄉敬拜告廟扁其門曰龍
門組豆衣冠振奮氣倍觀者嘖嘖相與嘆曰龍德
聖修從入之地曠然示人昭矣於戲當時稱能仕
者砥礪志勝為人道微務以避營役苟因循為得
故往昔有事于茲廟學率假諸憲臣之重而今皆
仰成服勤而已惟公身任之不辭雖亟焉趨武帶
妨教化之務固其有見有為之異乎人者哉春秋
重民力雖時且義亦書學博魯君希說李君鐸蓋
君鍾和謀之諸生陳楷割時益林淮謝謙及于友
注宋輩伐石徵詞表樹平堂之上義茲役也公字
汝孝別號雲麓起家癸丑進士治甫暮修舉畢集
然後均田理水之議興焉時有歌之者曰孰為明
朝陽斯升孰為滄海波斯平侯之
嘉靖四十一年
秋大風損學宮今何愈重修學南築屏牆一帶高

文餘長二十餘文改龍門牌坊為龍門高竦左右
為解元狀元坊為張信立舊鄉賢名宦二祠附於
兩廡之下於制不協今移於敬一亭之左右又於

明倫堂上立科貢題名二碑自為之記其科甲記

曰定環海而邑川岳之形勝繡奇焉扶輿清淑之
氣涵噓互峙孕靈毓秀而賢哲之士生於其間
者蘊蓄為道德彪炳為文章樹立為勳業百千年
來蓋屢有聞也皇明啟運列聖丕承弘禮樂教化
以經緯天地不顯人文倣古賓興之制三歲比上
而試之為鄉舉登籍天府試諸禮闈造對大廷為
進士賢網宏開迄今益有隆焉三五之治必資
克宅克俊以熙載采我國家黼士而布之庶位蓋
責之以翔襄至治而康阜一世之民物侈宏名于
不窮與古昔帝王之意豈異乎予蒞茲邑踰二載

薦省元以大對魁天下迄今鴻翔鳳舉後先相望
足徵山川之產今昔非殊執矣乃嚴諸掌固其名
姓缺佚弗敘巽宮日圮規制弗宏遂謀諸二三執
事一葺而新之增列外屏復立石於明倫堂之左
紀勒國初以來科甲名第仍虛其下以儉將來於
乎貞珉永勒盛典式彰文獻攸存明徵百代允我
髦士式觀于茲事懷仰止而克紹其華獨繼繼而
出寧無以道德文章勲業匹休於前烈而為邦家
之光者乎是益足以增重於山川而予立石彰
不徒然其歲貢記曰國家籲登髦俊既設為科目
爾矣一貢州縣則越歲一貢致籍於宗伯而試之引
之廷對儲肄成均以待用或銓注博士以作人制
至隆也蓋稽古用人疇咨岳牧肖築聘耕亦多塗
矣我祖宗宏其師錫爰立即宅惟爾之求不惟其
格士得明揚於帝廷輸鼎實之腴薦其圭璋特達
以黼黻徽猷流惠澤於民物而名聲垂諸不朽譬

之樞繩為器不同咸足以奏工師之巧不其盛歟矧
定邑奠山海之奧區檀形勝之偉麗惟士鍾靈淑
之氣藹藉才美以焜耀於後先寧不如山川之見
神物興雲雨以利世用者乎昔我祖宗嘗顯陟貢
士於鈞軸之位資其燮理寅亮以興至理聖天子
率由舊章而行之今亦豈鮮其人是時通學師徒
哉予故勒石而記之以俟諸來者定海令何君愈之始
請於尚書張時徹為之記曰至也謁告先師課諸
生誦說先王已乃達觀於學宮諸生進曰斯不已
陋乎柰何乎居業矣向君曰蓋聞之陋以人不以
學官諸君不自陋而惟學官之陋乎或曰其地則
然何君曰蓋聞之陋以人不以地諸君不自陋而
惟地之陋乎如其人乎絲綸密勿化淑烏程不有
不有若虞世南其人乎儒林冠冕甲第聯芳不有
若應繇氏兄弟其人乎儒林冠冕甲第聯芳不有
若孫枝氏父子其人乎首弁實科清朝著節不有

若張信其人乎龍騫鳳翥四域文明天下稱奇焉
又况溟渤滄澗日月吞吐萬疊千峯凌空翔舞固
與宵之都而神靈之宅也曾是以為陋乎乃若學
宮之不飭也斯有司之責也我其圖焉乃庀材鳩
工卜日而歲事蠹者易之歌者直之崩者飭之黜
者飾之醫者齊之圮者起之翼翼如也隆隆如也
已又謂水射其官風氣之不鍾也則去學舍南二
十步設屏二十丈有奇謂儀觀之不飭也則修緯
楔者三曰龍門高驪曰解元曰狀元為張信作也
謂鄉賢名宦二祠尾於東西兩廡於制未協也則
改作於敬一亭之左右謂選舉不可無紀也則立科
寺二碑於明倫堂自為之記于是諸士樂康絃誦
奮起教諭吳經訓導毛九思王順乃率諸生樂亮
山俞應科江汝柵謝諫薛一乾輩旅謁予庭請記
諸麗牲之碑余曰諸生謂何君之意將修其學宮
而已也抑亦望諸生之自修也今而知學宮之有
楹棟也亦知吾身之有楹棟乎知學宮之有堂與
也亦知吾身之有堂與乎知學宮之有階阼也亦
知吾身之有階阼乎知學宮之有門戶也亦知吾
身之有門戶乎知學宮之有垣牆也亦知吾身之
有垣牆乎知學宮之有丹雘也亦知吾身之有丹
雘乎是故志道據德強立不反則吾身之楹棟修
矣蓄養弘邃居安資深則吾身之堂與修矣禮義
威儀秩秩有敘則吾身之階阼修矣履仁蹈義出
斯入斯則吾身之門戶修矣屏斥外邪如捍巨寇
則吾身之垣牆修矣禮樂飭躬翺翔藝苑則吾身
之丹雘修矣然而猶以為陋者未之有也夫身之不
陋而地之陋也學宮之陋也何患乎况其地則昔
日之山川也其學宮則何君修之借之非陋也是
在諸生勗之而已矣遂以復于師徒使鏡諸石以
詔來者

官教諭一人 訓導二人 廩膳二十員 增廣

二十員 附學無常額 吏典一人

凡教事教諭掌之訓導佐之縣令職提調而總之於督學憲使並以臥碑從事三歲則大比於浙省為鄉試間歲以一人應貢並稱正途其科第題名見選舉

教諭前此無所考不書書其在國朝可知者

正統 麥副 陳敦

宣德 謝坤

成化 劉禎 陳純莆田人 李文獻莆田人

弘治 邵勣嘉定人 鄒琥南昌人 王成憲崑山人

葉葵浮梁人

正德 陶谷將洛人 李儒江寧人

嘉靖 方希哲閩人 曾樞江西人 徐裔無錫人

鄧政合肥人 曾宸泰和人 鄺夢琰南海人

曾希說山陰人 李庶保昌人 吳經績溪人

訓導前此無所考不書書其在國朝可知者

正統 劉彥 劉鑑

成化 吳馨莆田人 汪潛歙縣人

弘治 丁澍豐城人 陳富侯官人 劉宣衡山人

黃鑾由歲貢德興人

正德

劉金華由歲貢安徽人 田維由舉人松滋人 王忻

劉綬由歲貢電白人 李泰由歲貢福安人 汪濬由歲貢玉山人

嘉靖

汪瀚由歲貢玉山人 陸載由監生靖江人 孔世儒由歲貢南惠人

劉孔愚由舉人永新人 劉志忠由歲貢靖江人 浦鏜由歲貢無錫人

曹一和由歲貢瑞昌人 朱華宗由歲貢延平人 李諤由歲貢安南人

王士進由歲貢南靖人 蔡鍾和由歲貢瑞昌人 施一唯由歲貢廬江人

毛九思由歲貢宿州人 王願由歲貢松滋人

鄉飲酒禮

每歲二回

大明會典洪武五年奏定禮儀十六年頒行圖式
二十五年再定圖式內開大賓以致仕官為之選
擇鄉里年高有德之人介以次長二賓以賓之次
者為之主以知縣如缺以佐貳代司正以教職為
之王揚解以行罰贊禮者以老成生員為之執事
人以吏典充俗儒多泥賓位于東北則斜列其席
而西南面選位于西北則斜列其席而東南面介
位于西南則斜列其席而東北面主位于東南則
斜列其席而西北面殊失古人席不正不坐之義
矣嘗按儀禮圖設席陳器之言曰賓位在西北自
中以西之北便為西北豈必面東南之謂哉餘依
此但位大賓于西北與今坐賓于東北者為少異
耳謹將頒定圖式錄于後以為行禮者告

正德會典卷之六

三百三十三

鄉飲圖北

三僎南面
二僎南面
一僎南面
大賓南面

東階

正位

主

律案

僎賓南面

北

一賓南面

西階

二賓南面

三賓南面

按鄉飲酒義賓主象天地也介僎象陰陽也三
賓象三光也讓之三象月之三日而成魄也四
面之坐象四時也六十者坐五十者立侍以聽
政後所以明尊長也六十者三豆七十者四豆
八十者五豆九十者六豆所以明養老也夫觀
於四面之坐而知今之斜列其席者悖禮甚矣
又按儀禮曰其牲狗也取澤人也烹于堂東北
祖陽氣之發於東方也今制坐賓于茲而與古
獨異無亦有取爾乎然古用牲取其擇人者而

今也不知擇人得無背于

大誥之文與司正揚觶之言乎至于里社之舉湮廢又久奚望可封之俗哉

射圃

國朝洪武二年詔府州縣立學校學者專治一經以禮樂射御書數分科而教之三年又定學校射儀二十五年又定禮射書數之法凡遇朔望習射于射圃蓋所以觀德容而習禮樂責之以文事武備也其儀節器數具載于大明會典中定故有圃鞠為茂草弘治初提學副使鄭紀闢地于學左而重新之併附射圃于後

鄉射禮總圖



福

侯

樂
笙
瑟
琴
鼓
篪
簫

正樂

射圃

三

西堂

西階

三耦

執事

十箇

三百二十八

學由成化志云山糧數目具載舊志皆宋元撥入
撥賜學糧六百石今學田廢

書籍大誥三編大誥續編彰善癉惡錄大明律祖

錄為政要錄古今列女傳已上久殘缺四書大全

五經大全性理為善陰騭五倫書勸善書毛詩孝

儀禮經傳并註疏尚書註疏易經註疏公羊穀梁

文章正宗資治通鑑今存

社學成化志載坊隅一處

公署

定海縣署在城西南中為正廳凡三間舊名牧愛

忠愛左為架閣庫庫之左為贊政廳凡三間右為儀

仗庫東西列曹吏房科各九間東為承發司吏戶

科下為甬道為歲石亭名曰公亭之前為儀門門

之左右為預備倉各六間外東為土神祠西為獄

禁南為大門門內之左為鹽倉外為阜成坊東西

為榜房各五間下為旌善申明二亭正廳後為堂

凡三間堂之後為知縣宅宅東為縣丞宅西為主

簿宅廊之東為典史宅西為吏舍凡十五間

縣故建於梁貞明二年宋建炎兵燬紹興初元今

蓋大淵新建淳熙間令陳公亮韓永德相繼修復
國朝洪武間圯令袁尚敬陸本修之永樂間再圯
正統初令戴鐘重建正德間令陳軾劉倣鄭餘慶
嘉靖間令宋繼祖各加修葺令何愈復修火攻庫
三間舊在縣後年久傾圯今移建縣西
總兵府一在縣治西一在舟山所城內俱因總督
司改今名

遊兵把總司在縣治東北一里

管界巡檢司在縣西四十里中為廳事凡三間東
西廊房各五間軍器庫吏舍各一間舍後為土神
祠廳後為官廨凡三間前為門

長山巡檢司署在縣南四十里今廢

太平巡檢司在縣南百二十里中為廳事凡三間
東西廊房各五間後為官廨凡三間左右為庖舍
前為鼓樓門

穿山巡檢司在縣南九十里今廢

霞嶼巡檢司在縣南百里今廢

廣安倉署在縣北二里中為廳事凡三間後為官

廨凡六間東西為廩外為門

常盈一倉署在縣東昌國中為廳事凡三間東為官廨凡三間左右為耳房東西為廩外為門

常盈三倉署在縣南穿山中為廳事凡三間東西為廩官廨廢外為門

常盈四倉署在縣南郭衢中為廳事凡三間後廳凡三間上下列廩外為門

常盈五倉署在縣南大嵩中為廳事凡三間東為官廨凡六間東西列上下廩外為門

陰陽醫學在縣治西今廢

僧會司署在回向寺

道會司署在淵德觀

清泉場鹽課司署在縣南十里中為廳事凡三間後為川堂凡二間又後為堂凡三間東西廊屋各四間東為官廨外為門

長山鹽課司署在縣東南四十里靈巖鄉中為廳事凡三間後為川堂凡一間又為後堂凡三間東為官廨外為門

穿山鹽課司署在縣東南九十里海晏鄉中為廳
事凡三間左右為耳房後為堂凡三間東西為書
房再後為官廨外為門

龍頭鹽課司署在縣西北九十里靈緒鄉中為廳
事凡三間左為耳房東西為廡房後為儀仗庫東

為官廨外為門鹽倉有四

盛鹽富鹽
廣鹽司後

行署

布政分司在縣西按察司右中為正廳凡三間東
西列廊房各四間後為堂凡三間前為儀門凡三

間外為大門

按察分司在縣西五十步中為正廳凡五間東西
列廊房各五間後有明樓凡三間前為儀門凡五
間外為大門

縣行館在舟山所城內祖印寺東

把總公館在舟山所城內祖印寺西

守禦公館在舟山所城西門內二十步

後所公館在所城南門內

軍衛公館在所城東門內

城隍

司馬氏曰建邦域民必城郭溝池以為固非忘德也弭讐於未藁禦患於方張非此其道無繇也故楚兵城而衛興昔無備而宗覆有明徵矣矧定據江海之衝外以控扼喉舌內以藩屏腹心固四戰之地也自昔分藩啓宇城障攸興而衛所寨堡雲屯而星列非少數也爾來夷寇匪茹邊徼繹騷而增城置險益益加密矣然人亦有言有形之金湯不言無形之金湯司疆圉之責者其慎乃圖乎

定海城

薄海為城東連招寶山出淡口南環以江北負巨海西通於鄞距郡東六十二里高二丈四尺址廣一丈而八尺周圍一千二百八十八丈延袤九里闢為五門東曰鎮遠南曰南薰又南曰清川西曰武寧又西曰向辰門各有樓新設望海樓於北俱有釣橋羅以屏城城之上有敵樓十雉堞二千一百八十五警舖三十外為濠自東抵西環九百六十六丈比際海不設初城築於錢鏐歷元而

贖國朝洪武元年千戶王及賢始立木柵七年
守禦千戶端聚易以石二十年信國公湯和建衛
拓而大之週九里有奇闢門為六各建以樓上加
雉堞警舖外羅以月城惟小南門無月城二十九
年指揮劉澄增置永樂十三年都指揮余成以北
抵海塞北門舊穴水門於城西今改置於小南門
之右嘉靖十二年都指揮劉翱加增雉堞三尺三
十三年令宋繼祖就城之北面增建望海樓

威遠城

招寶山雄據海口與竹山對峙為江海之咽喉郡
治之門戶誠保障要害處也先是盧鏗以福建都
司督舟師平雙嶼夷寇尋以叅將分守浙東又進
鎮守都督屢屢倭難備知阨塞與海道副使譚綸
議謂招寶俯瞰縣城相隔不數十武賊一登據置
大炮其上縣城可不攻而破即夷船絡繹銜尾入
關我軍亦無以制之矣故守郡非據險不可而據
險非成城不可乃于庚申春請于總督胡宗憲於
招寶之巔建築城堡發漁稅千金卜日鳩工斬隆

培圮甃石成城不費公帑不屈民力三越月而告竣城凡二百丈高二丈二尺厚一丈雉堞一百六十七四十年海道劉應箕令何愈增覆石屋於上東西為門二內建戍屋四十餘楹調兵以守扼截海口以壓敵衝與縣城辰巽相應接勢增貔貅者百萬名威遠城復於山麓西南展築靖海營堡周圍二百四十丈建屋四十餘楹以時教閱於大小浹口分布戰艦以嚴扃鑰置鐵發賣五千劬者四座銅發賣三百劬者百餘座諸戰守器械靡不畢具夷人即鳥舉不能度也且山如戴帽環負城堡為河圍狀議者謂於山巔及竹山對建兩塔登臺霄漢金塘三仙人峯屏列森秀剛天眷圖書之麗益有以闡人文之盛而才賢輩出為邦家之光蓋不特修飾武備亦以敷彈文教是有待而為者也

城中有胡宗憲祠張時敏為平夷碑其文曰

皇帝臨之三十載
郡邑大變當事者
天子島夷越境肆掠
兵觀望莫有發一
矢以捍賊塵者
皇命元戎秉鉞虎符
四發材官雲馳奔
國克膺揚湯滌妖
氣失律喪師

坐吏議而高劍者益鍾相揆也。皇帝曰咎是大
辱國何以師為蓋擇才御史風著風賦者往往監督
之其可於時梅林胡公寔來選徒簡梓率先戎行
兵威丕振數奏膚公上奏。關下。皇帝嘉悅屢
降。綸音錫之爵命不二年而進。巡撫與總督公
感非常之遇厲匪躬之忠揮金募士。義盡宣奇蓋
無日不計于軍寔往往被甲戴盔。決生死於鋒鏑
之間戮其左次與不用命者。於是三軍震厲人百
其競有乍浦之捷有龔山之捷有仙居之捷有王
江涇之捷有沈家庄之捷有柯橋之捷有舟山之
捷其餘逐北追奔窮搜而掩擊者不可勝計賊益
望風號鬼乃虜丁已叛人王直挾諸夷首以來佯
言欵邊以要互市陰包禍心伺我弛備逞其毒焰
公預洞隱伏因其間而用之。陽示羈繫。遣里中
素所厚善者。請而致之麾下。納于園棘。請躬提
師旅。盡殲賊。賊既失。餘計出無何乃入岑
江幸緩。須臾。賊。江。故。山。海。與。區。也。天。擊。凌。然
叢菁蔽日。我兵環而圍之。水。聯。縹。纒。陸。伏。貔。虎。盡

絕其薪粟之路於時乃有他夷鳩聚死黨虎瞰鷗
張航海來援氣吞溟渤公曰賊鋒甚銳不可通也
逮其未合而誘之此成擒耳乃使間諜給之曰直
方互市若等亦有所利乎賊疑信未定遽以偏師
襲之。一殲之於補陀。再殲之於朱家尖。無一人得
脫者。賊用太怖。悉火其輜重。潛徙于白泉。益聚
莽斷塞蹊徑。日謀治舟以逸。無復逞志乃挑選精
銳。分為數軍。迭出而肆之。賊困不得休。饑不得食
相枕席以死。其餘孽未盡者。乘濤夜遁。諸將奉
夙戒。伏兵四集。追而擊之。斬馘若干。俘獲若干。
波澄清。疆寧謐。露布星馳。捷書上報。道路歡呼。
曰。庶幾獲見天日乎。縉紳士大夫交相慶勞。歌頌
興焉。其辱公知愛。觀茲盛美。不啻身親為之也。爰
矢厥詞。用章大伐。公自戊午三月。視師海上。迄十
有一月。乃罷。而定海寔惟駐節之所。維時巡海道
使譚君綸。郡守周君希哲。命邑令陳紀。陳正。道。勒
石。招寶之巔。以詔於永。永。其。訓。曰。聖。繼。統。風。恬。物。嬉。
服。咸。熙。放。牛。歸。馬。守。在。四。夷。十。聖。繼。統。風。恬。物。嬉。

外國來賓惟德用綏氏我羗狄首有常期物大盡
作防父斯隳蠢茲狡夷擾我東疆神州昂沸羽檄
雲馳帝命中丞仗鉞視師臨軒推轂假爾便宜
翼翼中丞奮揚武威胸中兵甲百萬能獲宣奇快
勝迅若風雷屢獲鯨鯨京觀封尸殊方震疊反側
懷疑直為叛首稱款來歸要我互市乞我
滔天大憝匿于甘辭電燭其奸多方羈縻誘以間
謀餌以金緋致之轅門繫之牢之餘孽未靖阻陰
濫隅岑江旣破白泉是逋如魚在釜喘息斯須
我戈矛簡我車徒分者掩擊賊將拳旗群醜號
獸駭禽飛乘濤夜遁偷活度幾號令孔嚴伏兵四
馳荷用窮追靡有孑遺海波不揚妖氛悉除農歌
于野商謠於途就勇剝榛靖我郊衢孰施乳哺鞠
我孩雛乃室乃家以耕以漁垣墉屹屹岳瀆輝輝
華為此者御史大夫皇皇神武赫赫廟謨社稷之
衛天子是毗光輔中興周虎商伊帝曰汝嘉
錫爵分珪太史
作頌勒於鐘彝

有海道副使譚綸祠張時徹為之記曰

於倖視不虞而掃執節等者不與焉故入虎穴而
握兵涉江河而腰瓠此其事錫明而其難易拜也
乃若河崩於礮穴火灼於突焚即才勇鮮不困已
嗟乎非獨智孰能辨此者乎東南夷寇之患起於
積弛是河崩而火灼者也當是時羽書颺馳烽燧
電掣材官技擊遍徵於九域而失律喪師者踵相
接也天子憂之博咨才碩以任驅除而梅林胡
公寔專節鉞時則有若巡海副使譚公綸文武兼
資有若都督同知盧公鏜宿閑翰畧固三軍之難
虎而海徽之長城也胡公試於有衆倚為腹心而
二公者感推轂之恩挾同仇之義入則紆籌帷幄
出則率先戎行旌麾所指折醜若遺馳露布而奏
膚公者蓋未可以一二數也已而相與議曰夫孤
矢威暴金湯設險古先聖王豈其棄德而逞志於
武哉捍疆於未蕪戒於未遷誠知保太平遏亂
畧非此其道無繇也又况稀矣擾擾不寧者

哉今夫定海海墘與區蓋鯨鯢之國而烽燧之交
也招寶寔莫其極則江海之咽喉而郡治之門戶
也此其山去縣城百武而近賊如登而據之下飛
炮其上則縣城鉅甃碎耳即夷船尾斷而入亦何
以制之蓋有之曰百丈之山而破洋得游其上五
丈之城而婁季不敢犯也誠為戰守計者宜莫如
城招寶便乃以其意裁於公輒報諾下日鳩
工斬隆培圮開鑿山道二百餘丈為城二百丈為
雉堞二百六十丈為東西門二上構樓櫓為海神
祠下為成屋四十餘楹為架放臺貢殿二力取於
軍隙財取於漁稅而經營葺葺則盧公寔有之工
始於庚申春凡三越月而告成屯戍卒其中扼海
口以壓要衝與縣城蓋唇齒攝也其外益兵營布
戰艦諸威敵物器靡不畢具夷人即鳥舉不能度
也於時文武吏士懽欣鼓舞以為更生之賜乃為
祠以祀胡公已復為祠祀譚盧二公置飛鳥革烟
霞出沒於甍棟波濤翔舞於簷楹真世所謂瑤臺
貝闕也縣尹何君愈身保障之責載比翼之功而

終始宣力為多乃文屬予文以章鴻伐則應曰斯
役也余益數贊其事云何則固之郤雞豚也不持
童奴之瓦礫而恃樸楸之卑樊家之御猛獸也不
在操戈負弩而在四周之屏故苞桑繫泰復隍成
否此其道則然耳濱海之區其為要害也多矣
國初建設整堡調兵置戍蓋種種悉也承平日久
積以陵遲率廢棄不講矣始議所漏者又莫有出
一籌籌之即籌也亦莫之為理諸阨塞便利賊皆
得踞而據之而我望風喪氣倉皇驅僮卒以嘗銳
鋒庸能格乎故賊小入也我則小衄大入則大衄
非惟擊闔之不力亦其所乘之勢然也乃如采濤
港如川沙窪如劉家河如靖山如岑江如柯梅諸
所若先賊未入扼險置戍賊惡得據為巢穴至厓
大衆久而不克乎然彼猶守在藩籬也招寶則門
戶矣無招寶則無縣無縣則無郡而可弗亟乎茲
城也狡夷寢謀萌黎安堵功德於吾民至弘遠矣
兵志曰上兵伐謀又曰善師者不戰其二君子之
謂乎祠而祀之夫誰曰不宜已而巡海副使劉公

大章九玉吳

應其繼至閱武犒士升高縱覽謂盧公曰阨險樹
防斯策之上者乎余與公當圖所未竟矣乃系以
詞曰赫赫王化靡迭不流薄海內外控如綴旒蠢
茲狡夷不令為讐燔我積聚敗我來斃圍掠貨貝
是任是舟華都麗宅鞠為墟丘 皇帝赫怒簡茲
壯猷矯矯虎臣公侯好仇乃膺推轂秉鉞紆籌矯
乃弓矢礪乃戈矛既折其醜復執其首膚公載奏
皇是用褒 帝曰勞止臣曰罔休維茲招寶維
郡咽喉曷扼之吭曷伐之謀乃城乃堞金湯是侔
威彼不逞億萬貔貅鮮我遺育拊舞道周撫我黔
赤藝我田疇伊誰之賜廟謨孔修二三元戎是度
是鳩無患不燭無言不酬新宮奕奕今譽悠悠何
以報之乃忝乃羞何 以戴之百千斯秋

又重建寧波府知府沈愷祠張時微為之記曰招寶

有太守雲間沈公祠云以兵興毀已而夷患殄戒海
宇寧晏氓黎報功乃祠胡令公乃祠譚海道公逾數

年乃今都督劉公顯用鄉之縉紳先生及長老諸生
議復祠沈公祠既成少司馬范公欽憲副錢公嶧別
駕包君大魁參軍包君大中郡縣學詣主盧子叔麟
沈子明臣十數輩儼然造焉馬余文碑之謂余嘗主
復祠議且知公治狀甚悉余雖不文所以復祠之議
不可不使之章白于世故不讓而為之碑曰余于沈
公之守寧也有餘思焉其去寧垂二十餘稔詎謂于
五邑者猶一日茲詎可以倖微乎其祠于寧者三蓋
皆報當時覆露之德也惟茲寶山之祠則尤不可已
何則昔霍氏之謀漢也當其事未發時有茂陵徐生
上書言之宜少抑制帝不以為然後其勢漸逼其謀
漸著然後力起而誅之乃大封拜其告奸者而前所
上書茂陵生不與焉故人有為諺以聞者曰焦頭爛
額為上客曲突徙薪無恩澤乃始求上書徐生賞之
事故有然者而今茲舉也得無似乎當嘉靖壬寅癸
卯之間漳閩之人與番舶夷商貿販方物往來絡繹
于海上其時邊氓蓋亦有奸蘭出入者公方為厲禁
犯者輒置重法律無遺誅矣適武人有欲倖功者以

虛聲鼓上聽當途柄兵之人亦皆好為生事報議兵
剿焉公獨憂形于色上議沮之其畧曰海上之患方
以番舶為甚然其所欲不過與地方人負販貿易務
違禁網物取息幣耳自愷蒞事來問死刑軍徒者不
下百數十人今亦稍稍輯矣然通番非盡從夷之人
番貨非即殺人之物通番下海雖在不原各有定律
要亦未應盡誅也今欲不問所從來槩名曰賊遽爾
兵之恐非所以協議安衆也夫六月行師兵家所忌
師出無名事故不成今海上船止六七遽興大眾即
發軍衛巡司義勇漁船盡民以逞萬一無良竊發孺
聚山谷又不知何以應之况海船非我敵明甚我衛
所哨軍要皆貪生畏死之人綿力薄材不諳戰鬪往
歲倭夷再至徵兵應調逗留不進諸號為統領率皆
立馬股慄愷出死力調度幸爾散去且軍衛世受國
家養養顧不能奮一旦之力有事率委之義勇漁船
夫義勇乃市井之徒漁船皆網罟之輩平日既無祿
於官又無忠信之結一旦驅之死地其能不舍舟而
走者幾希且海船利于水戰步騎利于陸陣此不待

智者而後明也譬之飛蜂有毒來則撲之入其窠而
擾之無乃甚辛螫之禍乎且其懸隔海島豈能飛渡
橫行為今之計合無明示憲諭道之禍福速之出境
土也其次莫若督出海官兵干關津要隘之地嚴為
防守不得登岸地方奸販之徒不得下海則糧盡計
窮自然遠去如有探報者嚴行賞賚以資激勵故
縱者依律法之則則其罪不輕矣
愷職司民社恐其官軍果有能出奇定畫不
國之威示人以不敏不敢不
費府錢不擾郡民生擒于海獨立偉功此又不當以
常格論者議上當事者不聽遂出師衆果大潰海道
公僅以身免其後番船主如主直陳四聘許二輩輒
露刃空葉舟直入定海關要索酒米牛豕諸物貨而
有司一不應輒大譁不已蓋不三四年而東南之禍
起矣思當時用公議不輕出兵以挑之惟一意修內
治彼必畏讐不敢動豈能盡知我虛實肆然無忌如
入無入境耶乃今祠胡令公矣祠譚海道矣蓋集

之功靡弗酬也而曲突徙薪之策公實有焉茂陵徐
生之賞可後乎可後乎禮曰先王之制祀也法施于
人則祀之若沈公者謂法施于人者非邪祠在譚公
之後而胡祠又後數十武祠之費寔出劉將軍別駕
方君藻以視篆定邑與有力焉定尹魏君尚大適至
共落成之系之詩曰寶山崔嵬殿大邦海隅之東瞰
扶桑飛甍雲矗三公堂前譚後胡公中央公來刺明
二紀強德星垂耀流耿光海氛昔起自微芒我公炳
幾灼先防黑風黯慘吹攬槍武人徼功孤矢張公乃
奮筆騰言昌上議不聽尸橫疆鯨鯢從茲恣跳梁東
南血染山河長天子赫怒胡譚楊波寧海定煙銷
狼公言得用無死亡公言不用罹禍殃追公祠公獻
美嘗願公鴻名垂太荒皇明之祚未無疆千秋
萬禩貢越裳公祠奕奕海泱泱三公騎龍共翱翔

舟山城

即中中中左二千戶所

舟山屹立海中舊邑翁山亦曰昌國四面皆海距

縣治之東南二白里城高二丈四尺址廣一丈周

圍一千二百十六丈延袤七里關東西南北四門

門各有樓穴水門於東南各置金橋羅以月城城

之上有雉堞二千六百七十二甃舖六十外為濠

自東南及西一千二百六十丈北際山不設

國朝洪武十二年明州衛守禦千戶募成立城五

百丈未成越明年指揮許友展跨鰲山恢弘舊制

成之十七年改昌國衛二十年信國公湯和徙衛

於象山縣東門存中中中左二千戶所官軍以守

舊城改屬定海衛永樂十六年都指揮谷祥加修
嘉靖四十年海道譚綸增築敵臺二十處

大嵩城

屬定海衛在
郵十一都

大嵩東接海口南滙江流西北跨山距縣西南百廿
里高一丈七尺址廣一丈二尺周圍七百四十丈
延袤四里有奇闢東西南北四門各有樓穴水門
於西之側設以鈞橋羅以月城雉堞七百七十
敵樓二十警舖二十五所外自東南抵北凡三百
五十丈為濠自西以北際石山不設

國朝洪武二十年信國公湯和築永樂十五年都
指揮谷祥加修

穿山城

即後千戶所
名海晏一都

穿山東北據山西南臂海距縣治之南八十里高
二丈一尺址廣一丈周圍七百四十二丈延袤四
里有奇闢東西南北四門各有樓穴水門於南門
之側設以鈞橋羅以月城雉堞一千六百四敵樓
戰臺各六警舖十二外自東繞西通二百八十五
丈為濠東暨北各五百二十五丈為塹道二

國初洪武二十七年安陸侯以濱海要衝乃成城
徙定海衛後所官軍守之次年本所千戶邵通闢
門鑿池始完永樂十二年都指揮余成開墾道十
六年谷祥增修今塞北門

鄆衢城

即千戶所
海晏三都

鄆衢南匯大江自南徂東為渤海西接阿育王山
北負穿山距縣治南百三十里高一丈九尺址廣一
丈周圍四百八十八丈延袤三里有奇闢南北西
三門各有樓外設釣橋羅以月城雉堞九百二十
警舖十三敵樓九西有瞭遠臺外東至西北九三
百七十四丈為濠南至西山一百三十二丈為塹
備濠三百七十丈

國朝洪武二十年信國公湯和築闢南北西三門
東穴以水門永樂十五年都指揮谷祥塞水門

定海縣志卷六終



